

HERNANIKO UDAL HILERRIKO ARAUTEGIA

I. TITULUA XEDAPEN OROKORRAK

LEHENENGO KAPITULUA. ARAU OROKORRAK

1. artikulua. Xedea eta arautegia.

Hernaniko Elizatxo Auzoan dagoen udal hilerria udalaren zerbitzu publiko bati loturiko jabari publikoko ondasuna da, eta Hernaniko Udala da haren titularra. Hori dela-eta, berari dagokio hilerria administratzea, zaintzea eta zuzentzea. Dena den, beste administrazio publiko batzuek eta agintaritza judizialak zenbait eskumen izan ditzakete arlo horretan.

Araudi honen xedea da Hernaniko Udal Hilerriaren zerbitzu orokorrak eta, era berean, hilerriaren zerbitzua emateko modua, era guztietako lurperatze-unitateen esleipena, instalazioen eta zerbitzu orokorren mantentze-lanak, segurtasuna eta obren exekuzioa eta gainerako zerbitzuak arautzea.

Honako hauek arautuko dute hilerriaren araubide juridikoa eta administrazioa: Jabari edo/eta zerbitzu publikoko ondasunei buruzko araudiak, Gorpuen Osasun-Zaintzari buruzko araudiak, Udal Ordenantza Fiskalak eta Araudi honek.

2. artikulua. Instalazioak.

Hilerria hura eraikitzeke onartu zen planoan (ondorengo aldaketak eta guzti) ezarritako moduan dago banatua, eta honako instalazio hauek ditu:

- Gorpu bakar baterako horma-hilobiak.
- Bi edo sei gorpuren gorpuzkietarako horma-hilobiak.
- Familia unitate bakar baten titulartasuneko panteoiak.
- Famili unitate bat baino gehiagoren titulartasuneko panteoiak (apaleka).
- Hezurtegi orokorra.
- Kolunbarioa.
- Gerra Zibilean hildako eta fusilatuentzako guneak.
- Udal instalazioak:
 - * Hileta-zeremonietarako balio anitzeko gune komuna.
 - * Bulegoa.
 - * Komunak.
 - * Aldagela.
 - * Lanabesak gordetzeko biltegia.

Udalak instalazioak handitu, txikitu, aldatu eta eraiki ahal izango ditu zerbitzua behar berrietara egokitzeko.

Hileta-zeremonietarako gune komuna eskusiboki erabili ahal izateko (eskaintzen diren gainerako zerbitzuak erabili gabe, hau da, hilobitik ateratzeak, hilobian sartzeak) dagokion udal tasa ordaindu beharko da, eta beharrezkoa izango da ekitaldiaren aurretik eskaera egitea.

3. artikulua. Eginkizunak.

Hilerria administratu, zaindu eta zuzentzeko orduan, hauek dira Hernaniko Udalari dagozkion eginkizunak:

- Hilerria eta hilobi-eraikinak, zerbitzuak eta instalazioak antolatu, zaindu eta egokitzea.

- Herritarrek hilerrian edozein lan edo instalazio egin nahi izanez gero, horretarako baimena eman eta zuzendaritza zein ikuskatze lana egitea.
- Lurperatze-eskubideak ematea, onartzea, aldatzea, bizien arteko edo heriotzaren ondoriozko eskualdaketak egitea, lurperatze-eskubideen iraungipena deklaratzeko eta eskubide horien ordezkariak izendatzeko eta haiei dagozkien tituluak izapidetzea eta egitea.
- Dagokion Ordenantza Fiskalean ezartzen diren eskubideak eta tasak jasotzea.
- Emandako edo gerora ematen diren apaindura, sanitate eta higiegi neurriak betetzea.
- Hilobiak, horma-hilobiak, panteoiak eta kolunbarioak esleitzea, dagokien lurperatze-eskubidearen titulua emanez.
- Gorpuk eta gorpuzkiak hilobiratzea eta hilobitik ateratzea.
- Gorpuzkiak biltzea eta murriztea.
- Hilarriak mugitzea (udal langileek).
- Hilerria eta bertako hilobi-eraikinak zaintzea eta garbitzea.
- Hilerriko barne-araudiari lotutako beste edozein eginkizun.

4. artikulua. Administrazio eginkizunak atxikitzea.

Zerbitzu Publikoen Batzorde Informatiboak edo haren funtzioak betetzen dituenak, hilerria bere ardurapean izango du, udal-zerbitzu den aldetik, eta zerbitzu publiko hori hobeto administratzeko eta emateko egokitzat jotzen dituen proposamenak egin ahal izango ditu.

5. artikulua. Ideologia eta erlijio askatasuna.

Udal hilerrietan ideologia eta erlijio askatasunarekiko errespetu handia izan behar da.

Askatasun hori bermatzearen:

- a) Udala akonfesionala izango da, eta bere instalazioetan ez du erlijio-sinbolik erabiliko.
- b) Udalak baimena emango du erabilera pribatiboko elementuetan erlijio sinboloak, epitafioak, oroigarriak, ikurrak eta gainerako sinboloak erabiltzeko.
- c) Udalak, hilerriak berri edo handitzeko garaian, sinismen ezberdinetako hileta-erabilerak hartuko ditu kontuan.

6. artikulua. Bizikidetzaren arauak.

Udalaren zeregina izango da hilerrian ordena mantentzea eta halako leku bati zor zaion begirunea bermatzea. Horretarako, arau hauek beteko dira:

- Hilerria jendearentzat zabalik egongo da udal-organo eskudunak erabakitako orduetan.
- Bisitariak uneoro jokatu dute hilerriari zor zaion begirunez; hala gertatzen ez bada, Udalak eskura dituen neurri legalak har ditzake arau hori hausten dutenak hilerrietik kanporatzeko.
- Udalak hilerria zainduko du, baina hilobietan lapurretarik edo kalterik gertatzen baldin bada, ez du erantzukizunik izango.

Era berean, gorpuzkiak hilobitik ateratzeko unean hilarriak edo plakak hausten badira, hilerriko langileak ez dira horren erantzule izango.

– Hilerriaren barruan, korridoreetatik soilik ibili ahal izango da, hilobietarako guneeetan sartu gabe. Horrez gain, ibilgailuak ezin izango dira sartu, ezinduek erabiltzen dituztenak eta instalakuntzen ohiko funtzionamendurako beharrezkoak direnak izan ezik; azken horiek udal-arduradunaren baimena beharko dute. Horregatik, hilerriko mantentze eta berritze lanetarako sartu beharreko ibilgailuak hilerriko udal arduradunaren lanaldiaren barruan bakarrik sartu ahal izango dira, hots, 08:00etatik 13:30era.

— Debehatuta dago hilerriaren barruan edozein merkataritza-jarduera egitea. Hileritik kanpo, salmenta ibiltariari buruzko udal-araudia aplikatuko da.

— Ez da onartuko hilerrian janaria edo/eta edaria daukaten pertsonarik egotea eta ezingo da bertan lo egin edo eskean ibili.

— Hilobietako obrak eta inskripzioak bat etorriko dira Udalak finkatutako baldintza estetikoekin eta hilerriari zor zaion errespetuarekin.

— Debehatuta dago hilobiak giltzarrapoekin edo antzeko beste edozein osagairekin ixtea, eta orobat hilibietara sartzeari beharrezko baimen administratiborik eta/edo sanitariorik gabe.

— Hilerriari atxikitako intimitate-eskubidea eta begirunea bermatzeko, ezin izango da lurperatze unitate eta instalazioen ez eta hilerriaren ikuspegi orokor edo partzialen argazkirik, erreportajerik, marrazkirik edota margolanik egin, Udalak aldeztu aurretik espresuki baimen idatzirik eman gabe.

— Debehatuta dago hilerrian animaliak sartzeari, ezinduek erabiltzen dituztenak izan ezik.

Arau hauek eta hilerriari lotutako bestelako araudi edo ohar jendaurrean ikusgai jarriko dira, hilerriaren sarrerako iragarki-taulan.

BIGARREN KAPITULUA. LANGILEAK

7. artikulua.

Udalak behar diren langileak izango ditu hilerria zuzentzeko, kontserbatzeko, zaintzeko eta zerbitzuak emateko. Zeregin horiek legez izendatutako funtzionarioek, behar bezala kontratatutako langileek edo kanpoko zerbitzuetako langileek beteko dituzte.

8. artikulua.

Langileek Udalak erabakitako bereizgarriak eta jantziak erabiliko dituzte eta Udalak agindutako laneko segurtasunari eta laneko arriskuen prebentzioari buruzko araudia beteko dute.

Uneoro saiaturiko dira hilerria bisitatzen dutenei alferrikako eragozpenik ez sortzen, eta gorpuak ahalik eta begirune handienarekin hilobiratu, hilobitik atera eta lekuz aldatuko dituzte.

Aurkezten dizkieten keak eta erreklamazioak entzun, jakinarazi eta, ahal den neurrian, konponduko dituzte, betiere begirunez.

Debehatuta dago hilerriko langileek edo beste pertsona batzuek zerbitzu edo enpresa jakin batzuen aldeko propaganda egitea.

Debehatuta dago, era berean, udal langileek dirua jasotzea beren lanpostuari atxikitako zerbitzuak egiteagatik.

9. artikulua.

Udal lurperatzaileak, Hilerriko zerbitzuaren arduraduna den aldetik, gorpuak hilobiratzeari, hilobitik ateratzeari, lekuz aldatzeari eta abarri buruz indarrean dauden arauak eta legeak eta orobat goragokoen aginduak bete eta betearazi beharko ditu.

Hauek dira, halaber, lurperatzailearen zereginak:

— Hilerria eta bertako instalazioak garbitzea, hilerriko apaingarriak txukuntzea eta Udalak jarritako landareak eta zuhaitzak zaintzea.

— Hilerrian dauden gauza guztiak zaintzea, bai hilobien apaingarriak, bai zerbitzua emateko beharrezkoak diren osagaiak, lanabesak edo erremintak.

- Nolanahi ere, Udalaren dagokion sailak betetako lurperatze-orria aurkezteko eskatzea, eta zerbitzua egin ondoren, orrian bere adostasuna jasota, udalaren sail horri berari itzuli eta orriaren hirugarren kopia hilerrian bertan dagoen bulegoan artxibatzea. Hori egitea derrigorrezkoa izango da, bestela ezingo da hilobiratzerik edo dena delako zerbitzurik egin.
- Hilobiratze edo hilobitik ateratzeko, eta hilobiak itxi edo estaltzeko beharrezkoak diren lanak egitea.
- Hilobiak hustu eta garbitzetik jasotako arropa, hileta-tresna eta bestelako gauzak suntsitzea.
- Hilerriko giltza gordetzea, alkateak besterik agintzen ez badu behintzat.
- Hilerriko ordena egokia bermatzea, eta lekuari zor zaion begirunea asaldatzen duten pertsonak eta jarduerak saihestea.
- Alkateak bere eskumenaren arabera ematen dituen agindu bereziak betetzea.
- Agintzen zaion beste edozein eginkizun egitea, baldin eta bere lanpostuaren zereginekin zerikusia badu.

HIRUGARREN KAPITULUA. ERROLDA PUBLIKOA

10. artikulua.

Errola bana eratuko da, lurperatze-unitateak eta lurperatze-eskubideak zein egiten diren zerbitzuak jasotzeko.

Beharrezko neurriak hartuko dira datuen segurtasuna bermatzeko, eta datuak aldatzea, galtzea eta baime-nik gabe tratatzea edo eskuratzea galarazteko.

11. artikulua. Lurperatze-eskubideen errola.

- Panteoien errola orokorra.
- Apaleka esleitutako panteoien errola orokorra
- Horma-hilobien errola orokorra.
- Kolunbarioen errola orokorra.

Lurperatze-unitateei eta lurperatze-eskubideei dagokienez, datu hauek jasoko dira:

- * Panteoi, horma-hilobi edo hezurtegiaren identifikazioa.
- * Lurperatze-eskubidea eman zeneko data eta haren indarraldia.
- * Titularraren edo hala badagokio haren ordezkariaren izen-abizenak eta helbidea.
- * Bizien arteko edo heriotzaren ondoriozko jarraikako eskualdaketak.
- * Egindako hilobiratze, hilobitik ateratze edo lekuz aldatzeak; berariaz aipatuko da gorpua edo gorpuzkiak norenak ziren (izen-abizenak eta sexua) eta ekintzok noiz gauzatu ziren.
- * Mugak eta debekuak, halakorik balego.
- * Lurperatze-unitateari eragiten dion beste edozer.

12. artikulua. Lurperatze-zerbitzuen erregistroa.

- Hilobiratzea.
- Gorpuk hilobitik ateratzea eta lekuz aldatzea.
- Gorpuzkiak murriztea.
- Jakinarazpenen sarrera eta irteera.
- Zerbitzurako beharrezko jotzen den beste zernahi.

Eta datu hauek jasoko dira:

- a) Hilobiratutako edo hilobitik ateratako gorpua izen-abizenak.
- b) Zerbitzua egin duen ehorzketa-enpresaren izena, hala badagokio.
- c) Zerbitzua noiz eman zen.
- d) Hilobiratzearen lekua, edo hilobitik ateratako gorpuzkien norakoa.
- e) Gorpuzkiak hilobitik ateratzeko zerbitzuaren arrazoia.

II. TITULUA. ZERBITZUAK

I. KAPITULUA. HILOBIRATZEA ETA BERRIZ HILOBIRATZEA

13. artikulua.

1. Hilobiratzeak instalazio hauetakoren batean egin daitezke:

- Gorpu bakar baterako horma-hilobietan.
- Bi edo sei gorpuen gorpuzkietarako horma-hilobietan.
- Familia unitate bakar baten titulartasuneko panteoietan.
- Famili unitate bat baino gehiagoren titulartasuneko panteoietan (apaleka).
- Hezurtegi orokorrean.
- Kolunbarioan.

2. Panteoietan hurrenez hurren zenbat gorpu lurpera daitezkeen zehazterakoan, hilobiaren edukiera bera izango da muga bakarra.

14. artikulua. Baimen eskaerak:

— Gorpuen hilobiraketak egiteko udalaren baimena beharko da, eta hala behar den kasuetan, dagozkion osasun eta epai agintariena ere bai, eta hilobiratze eskubidearen titularren edo haren oinordekoen eskariz.

— Hilobiratzeak unean-unean indarrean dagoen araudi tekniko sanitarioa betez egingo dira.

— Gorpuk hilobiratzeko ezinbestekoa izango da heriotzaren ondorengo arauzko behaketa-epea igarotzea, eta epea igaro dela justifikatzeko, Epaitegi eskudunak emango du lurperatzeko agindua.

— Gorpua dakarren ehorzketa-enpresak edo pertsonak hilerriko zerbitzua ematen duen arduradunari beharrezkoa den dokumentazioa emango dio gorpua hilobiratu ahal izateko.

— Udalaren baimena lortzeko beharrezkoa izango da ondoko agiri hauek aurkeztea:

- * Eskaera-orri normalizatua.
- * Lurperatzeko lizentzia, dagokion epaitegiak emana.
- * Gorpua beste udalerriren batetik ekarria bada, Osakidetza baimena.
- * Heriotza ez naturaleko kasuetan udal epailearen edo eskumena duenaren baimena.
- * Dagokion ordenantza fiskalean ezarritako lurperatze-eskubideen ordain-agiria.

15. artikulua.

Gorpu orori emango zaio lurra, baldin eta izapide legalak bete badira, Udal Ordenantza Fiskalak ezarritako lurperatze-eskubideak ordaindu badira eta jarraian adierazitako baldintzaren bat betetzen badu:

- Hernanin jaioa izatea.
- Heriotza gertatu denean Hernanin erroldatua egotea.
- Aurreko ataletan deskribatutako egoeraren batean dauden pertsonen lehen mailako aurreko edo ondorengo zuzena izatea.

— Udal agintariak bidezko jotzen dituen bestelako baldintzak.

16. artikulua. Salbuetsiak.

Udalaren konturakoak izango dira hilobiratzeagatik ordaindu beharreko kanona ordaintzeko diru baliabiderik ez duten Hernanin jaio edo hildakoen hilobiratzea, baldin eta benetan egiaztatzen bada Hernanin jaioak edo hilak direla.

17. artikulua.

Udalak urtero finkatuko ditu hilobiratzeak egiteko orduak, zerbitzua hobeto emateko helburuz. Gorpuaren arduradunak zerbitzuko arduradunari galdetuko dio lurperatzeko ordu zehatza zein den, zerbitzua ohiko moduan eman ahal izateko. Nolanahi ere, ordutegi honetan lurperatuko dira gorpuak:

— Astelehenetik igandera: 9:00etatik 13:30era.

Ostiraletan baimendutako lurperatzeak hurrengo egunean egingo dira.

— Errautsak gordetzeko ekitaldiak: Astelehenetik ostiralera, 9:00etatik 13:30era.

II. KAPITULUA. GORPUZKIAK HILOBITIK ATERATZEA, LEKUZ ALDATZEA ETA MURRIZTEA

18. artikulua.

Gorpuak edo gorpuzkiak hilobitik atera daitezke lekuz aldatu eta hilerrian bertan berriz hilobiratzeko nahiz beste leku batera eramateko.

Gorpuak hilobitik ateratzeko eta lekuz aldatzeko Udalaren baimena beharko da eta, hala behar den kasuetan, osasun eta epai agintariena ere bai.

Hilobitik ateratzeko eta lekuz aldatzeko, unean-unean indarrean diren sanitate arauak errespetatuko dira.

19. artikulua.

Gorpuzkiak hilobitik ateratzeak hildakoaren oinordekoen edo ingurukoaren eskariz egingo da, eta holakorik ez baldin badago, hilobiratze-eskubidearen titular den beste edozeinen eskariz.

Gorpuzkiak hilerri barruko beste leku batera eramateko ere adostasuna eskatuko zaio lurperatze-eskubidearen titularrari edo ordezkariari.

20. artikulua.

Gorpuak edo gorpuzkiak hilobitik ateratzeko agiri hauek aurkeztu behar dira:

— Eskaera-orria, errolda publikoan jasotzeko datuekin. Horrekin batera oinordekoen edo inguruko pertsonen baimen espresua ere aurkeztuko da.

— Lurperatuko den lekuaren titularraren baimena, hilerri barruan lekualdatu behar bada.

— Osasun agintarien baimena, udalerritik kanpora eraman behar bada.

— Dagokion ordenantza fiskalean ezarrita dauden eskubideen ordain-agiria.

21. artikulua.

— Hildako baten izenean dagoen panteoi batean sartutako gorpu edo gorpuzkien lekualdaketa baimentzeko, aldeztatik panteoriaren titulartasunaren aldaketa eskatu beharra dago.

— Lekualdaketak egiteko, gorpuzkiak poltsa edo kaxa batean sartuko dira, hilerri barruko beste leku batera eraman behar badira; edo gorpuzkien kutxa batean, hilerritik kanpo eraman behar badira.

22. artikulua. Gorpuzkiak murriztea.

Gorpuzkiak murriztea honi deritzo: Gorpuzkiak errauts-kutxa edo poltsa txikietan sartu eta lurperatze-unitate beraren barruan nahiz espresuki horretarako den unitate batean uzteari. Lurperatze-unitatearen edo hilerriaren edukiera handitzearen egiten da.

Izen bera ematen zaio gorpuzkiak hezurtegi orokorrera eramateari.

Gorpuzkien bilketa eta murrizketa udal zerbitzuek egingo dute, lurperatze-unitatearen titularraren ordezkariak eskatuta, edo udalak bere kabuz erabakita, emakida-epea bukatzen denean. Batean zein bestean interesdunak dagokion tasa ordaindu beharko du.

Salbuespeneko egoeraren bat gertatzen bada, edo instalazioen okupazio-maila handia bada, Udalak bere kabuz erabaki dezake gorpuzkiak murriztea.

23. artikulua. Higiene eta sanitate neurriak.

— Udako hilabeteetan hilobitik ateratzeko lanak aldi batez bertan behera utzi ahal izango dira, agintari judizialek agindutakoak izan ezik.

— Hilobitik ateratzeko lanak egiteko garaian, kasu bakoitzari dagozkion higiene eta sanitate arauak bete behar dira; halaber, lan-osasunaren eta lan-arriskuen prebentzioaren arloko araudiak bete behar dira. Gorpuk edo gorpuzkiak hilobitik ateratzeko ardura duten langileek eskularru gogorrek, maska, botak eta babes-arropa berezia erabiliko dituzte.

24. artikulua.

Gorpuak eta gorpuzkiak hilobitik ateratzeko lanak, lekuz aldatzekoak eta murriztekoak hilerriko langileen lan-ordutegiaren barruan egingo dira; ordutegi hori, ahal izanez gero, bat etorriko da bisitari gutxien dagoen orduekin. Eta, osasun-ikuskatzailea bertaratu behar izanez gero, hilerriko arduradunarekin batera finkatuko da.

III. KAPITULUA. BAIMENA

25. artikulua.

Eskatutako dokumentazioa aurkeztu ondoren Udalak baimena emango du. Hona hemen baimenean agertuko diren datuak:

- Hildakoaren izen-abizenak.
- Heriotzaren data eta lekua eta hildakoaren sexua.
- Eskatzailearen izen-abizenak eta hildakoarekiko harremana.
- Egin beharreko zerbitzu mota (hilobiratzea, hilobitik ateratzea edo lekuz aldatzea).
- Hilobiratze, hilobitik ateratzeko edo lekuz aldatzeko lekua.

Hilerriaren arduradunari baimenaren hiru ale emango zaizkio, agiri guztiak behar den bezala daudela frogatze aldera eta egin beharreko lanak (hilobiratzea, hilobitik ateratzea edo lekuz aldatzea) egin daitezkeela adierazte aldera. Hilerriko langileak baimenaren jatorrizko alea izenpetu eta udaletxera bidaliko du, egin beharreko zehatz-mehatz bete duela frogatzeko eta dagokion erregistro liburuan jasotzeko. Beste ale bat sinatua senitartekoei emango die eta hirugarrena udal bulegoetan artxibatuko da.

26. artikulua.

—Ez da gorpuak hilobitik ateratzea baimenduko eskaera behar bezala egin ez bada eta 19. artikuluan adierazitako pertsonak baimendu ez badute, salbu eta agintari eskumendunek agintzen badute.

— Lurperatzeen kasuan eskakizun hori ez da bete beharrik izango baldin eta lurperatuko beharreko pertsona lurperatze-eskubidearen titularra baldin bada. Hala baldin bada, udalak lurperatze-eskubidearen eskualdaketa egin dadila eskatuko du.

— Gorpua non lurperatu behar den erabakitzeko orduan eztabaidarik sortzen baldin bada eta, denbora kontua dela-eta, udalak ezin badu behin betiko erabakirik hartu, horma-hilobi batean hilobiratu da behin-behingo. Auzia erabakita gelditzen denean, udalak ebazpen irmoa emanda, gorpua behin betiko hilobira

eramango da, hilerrian bertan lekuz aldatu beharrekoa baldin bada.

— Behin betiko hilobiratzea beste hilerri batean egitekoa bada, aldez aurretik gorpua baltsamatu eta osasun-agintarien baimena eskuratu beharko da.

— Aldiz, eztabaida gorpuzkiak hilobitik atera edo murriztu behar den kasuren baten inguruan gertatuz gero, ez da behin-behingo neurririk hartuko, gauzak dauden bezala utziko dira behin betiko ebazpena eman arte.

— Titulua sozietate, fundazio edo komunitate erlijioso edo ospitalarioren baten izenean emana baldin badago, hilobiratzea egin ahal izateko egiaztatu beharko da hilobiratu beharreko gorpua komunitate horretako kide edo langileren batena dela edo bertan babesean hartutako norbaitena dela.

III. TITULUA. LURPERATZE-ESKUBIDEAK

I. KAPITULUA. IZAERA ETA EDUKIA

27. artikulua. Definizioa.

1. Lurperatze-unitateak edo hilobi, partzela, panteoi, horma-hilobi edo hezurtegiak erabiltzeko lurperatze-eskubidea sortzen da lurperatze-unitate bakoitzerako titulua eman eta dagokion tasa ordaintzen denean.

2. Lurperatze-eskubideak haren titularrari ahalmena ematen dio hilerrian izendaturiko lurperatze-unitatea edukitzeko eta erabiltzeko, tituluari adierazitako epean.

Barne hartzen ditu lurraren erabilera eta gorpuk edo gorpuzkinak hilobiratzeko, zaintzeko edo gordetzeko eragindako eraikinak, lursaila edo lurperatze-unitatea beste edozertarako erabiltzerik izango ez dela.

3. Lurperatze-eskubidea eman ahal izango da gorpuk hilobiratzeko nahiz gorpuzkiak edo errautsak gordetzeko.

28. artikulua. Xedea.

Lurperatze-eskubidea honako hauetan egon daiteke:

— Lurperatze-eskubidearen onuradunak unean ezartzen diren baldintzak betez panteoiak eraiki ahal izango dituen lursailetan, unean.

— Familia-panteoietan.

— Gorpuzkien horma-hilobietan.

— Erabilera komuneko horma-hilobietan.

— Kolunbarioetan.

29. artikulua. Titulartasuna.

— Hernaniko herritar oro da lurperatze-eskubidearen titular, hilobiratzeko edo gorpuzkiak edo errautsak gordetzeko modalitatearen batean (28. artikuluan aipatu dira).

— Udalerrian jaio bai baina bertan bizi ez direnek partzelak edo familia-panteoiak emakidan emateko deitzen diren prozedura publikoetan parte hartzeko eskubidea izango dute.

— Lurperatze-eskubideak udal jabari publikoko ondasunen erabilera arautzeko xedapenekin bat etorritik emango dira. Partzelen eta familia-panteoien emakidak enkante bidez esleituko dira.

— Lurperatze-eskubidea lurperatze-unitate bakoitzerako emango da:

* Pertsona fisiko baten izenean.

* Bi ezkontideen izenean, izatezko bikotearen izenean edo 5 urteko elkarbizitza justifikatuta dutenen

izenean, dena dela ere lehen eskuratzearen uneko erregimen ekonomikoa.

* Familia-lotura duten bi pertsonen izenean.

* Korporazio, fundazio, erakunde, erlijio komunitate, ongintza establezimendu eta ospitaleen izenean, euren kide, langile, babestu eta egoiliarrentzat bakarrik.

— Inolaz ere ezingo da lurperatze-eskubidea merkataritza entitateen izenean erregistratu, bereziki aseguru-etxean, aurreikuspen konpainien edo antzekoen izenean, baldin eta dagokion jardueraren barruan bezeroei hiltzen direnerako lurperatze-eskubidea eskaintzen badie, eskusiboki nahiz beste arrisku batzuen osagarri gisa.

— Senar-emazteen edo izatezko bikoteen kasuan, horietako bakoitzak %50eko partaidetza izango du.

— Gainerako ondasun-komunitateetan eskaeran zehaztu beharko da kide bakoitzari dagokion ehunekoa.

30. artikulua. Ordezkaría.

— Lurperatze-eskubidearen titularra edo titularrak eskubide horri atxikitako eskubide eta betebeharren titular ere badira. Hala ere, titularkidetzen kasuan –bai hasieratik titularkide direlako, edo bai lurperatze-eskubidea behin eta berriz eskualdatu delako– ordezkaría bat izendatu beharko da, eta hura izango da lurperatze-eskubideak atxikita dituen eskubide eta betebeharren arduradun zuzena; nolahi ere, gainerako titularrei haiei dagokien zatia eskatzeko eskubidea izango du.

— Ordezkaría da lurperatze-eskubideei ezartzen zaizkien tasa eta zergen subjektu pasiboa.

— Izendatutako ordezkaría errebokatzeke, titularkideek ordezkaría berria izendatu beharko dute. Horretarako %50etik gorako partaidetza beharko da.

— Ordezkaría hiltzen bada, Udalak beste norbait izenda dezatela eskatuko die titularkideei. Titularkideek aho batez proposatzen dutena aukeratuko dute edo, bestela, gehienek proposatzen dutena.

— Izendapen hori egiten ez bada edo izendatutakoak izendapena onartzen ez badu, Udalak zeghaztuko du ordezkaría, irizpide hauei jarraiki:

* Portzentaje handiena duena.

* Eskubide bera dutenen artean, udalerrian bizi dena.

* Bat baino gehiago badira, zozketa bitartez erabakiko da, dei eginda dauden egunean bertan.

31. artikulua. Betebeharrak.

Lurperatze-eskubideen emakidadunek betebeharrak orokor hauek daukate:

— Hilobia baldintza egokietan mantentzeko betebeharrak, alderdi hauei dagokienez: Garbitasuna, kontserbazioa, apaindura eta estetika. Ezin da jarri hilerriaren egungo estetika hautsi dezakeen elementurik, beraz, hilarriak, lauzak, itxiturak eta gainerako apaingarriak jartzeko garaian, oraingo irizpide estetikoak jarraitu behar dira, eta Udalak etorkizunean horri buruzko arau berriak jartzen baditu, haiek ere bai.

— Ez da inola ere onartuko udal langileen lana zailtzen duten plaka-estaldurarik edo eraikuntza nahiz apaindura elementurik jartzea. Hain zuzen, horma-hilobien kasuan, ez da onartuko hilobiaren egituratik kanpora ateratzen diren apal, kristal edo antzekorik.

— Emakida bukatzen denean, titularrek apaingarriak eta elementu estetikoak kendu beharko dituzte. Bestela, Udalak erabakiko du apaingarri horiekin zer egin, eta titularrek ez dute eskubiderik izango erreklamazioak egiteko edo kalte-ordaina jasotzeko.

— Ordenantza Fiskalean jasotako eskubide eta tasak ordaintzeko betebeharrak: Emandako zerbitzu ezberdinei dagozkien eskubideak, eta erabilera pribatiboari dagozkion tasak.

— Panteoiak erabiltzeko emakidei dagokienez, emakidadunaren ardura izango da hurrengo lurperatzeetarako nahikoa leku izatea, eta panteoia betetzear dagoenean, gorpuzkiak murriztu arazi egin beharko ditu.

— Lurperatze-unitatea partzela bat baldin bada, lurperatze-eskubidearen titularrak panteoia edo hilobi-eraikuntza eraiki beharko du, ordenantza honetan ezarritako arauekin eta dagokion tituluan adierazten diren baldintzekin bat, eta horretarako adierazitako epean.

— Aurreko ataletan adierazitako betebeharez gain, Udalak edo beste administrazio edo erakunde eskudunek emandako xedapenak errespetatu eta bete beharko dituzte emakidadunek.

32. artikulua. Eraikuntzak.

Inolaz ere ez dira baimenduko besteen gainera nabarmendu nahi diren eraikuntzak, edo gainerako eraikuntzen uniformetasuna hausten dutenak.

Lurperatze-unitateetan egindako eraikuntzak beti udalaren onurarako izango dira.

33. artikulua. Titulu egiaztagarria.

Lurperatze-eskubidearen emakida Udalak egiaztatuko du, hori ziurtatuko duen titulua emanaz eta, bestalde, bermaturik geratuko da dagokion errolda liburuan jasota.

Lurperatze-eskubidearen emakida-tituluak datu hauek jasoko ditu:

- Hilobiaren edo lurperatze-unitatearen identifikazioa.
- Ordaindutako hasierako eskubideak.
- Esleipenaren data, izaera eta atal kopurua.
- Titularraren izen-abizenak eta udalaren aurrean titularkideen ordezkari denarenak (inprimaki ereduaren arabera izendatua), ordenantza honen aurreko titulartasunetarako.
- Eskubideen eta, hala badagokio, aldizkako tasen epemugak eta ordainketak.
- Hilobiratu, hilobitik atera eta lekuz aldatu diren gorpu edo gorpuzkien izena, abizena eta sexua eta zerbitzu horien data.

- Bizien arteko edo heriotzaren ondoriozko eskualdaketa jarraituak.
- Onuradunaren, oinordekoaren edo usufuktua duenaren izena.
- Lagapena iraungitzearen ondorioz edo bestelako edozein arrazoi tarteko hilobia, horma-hilobia edo kolunbarioa udalaren esku geratu den eguna.

II. KAPITULUA. LURPERATZE-ESKUBIDEEN IRAUNALDIA

34. artikulua.

Tituluan jasotzen den lurperatze-eskubiderako epea ez dute etengo edo aldatuko indarraldian gauzaturako hilobiratzeek ezta titulu eskualdaketek ere.

35. artikulua.

Lurperatze-eskubidearen indarraldia amaitutakoan, eta titulu berririk eskatzeko asmorik egon ezean, lurperatze-unitatea hustu egin beharko da, eta hartan diren gorpuzkiekin titularrak esandakoa egingo da, beti ere indarreko xedapen tekniko eta sanitarioen arabera.

Bestela, gorpuzkiak murriztu eta hezurtegi orokorrera eramango dira.

36. artikulua. Panteoien gaineko emakidak.

Panteoiak erabiltzeko emakida berrogeita hamar urterako izango da. Epe hori luzatzeko aukera badago,

gehienez ere beste berrogeita bederatzirako, eskumena duen udal organoak hartutako erabakiaren bitartez, emakidaren titularrak edo hark udalarekin aritzeko duen ordezkariak eskaera egiten badu, eta dagokion tasa ordaintzen badu.

Emakidak betirako edo data zehatzik ezarri gabe eman badira, emakidaren epea gehienez ere laurogeita hemeretzi urtekoa dela joko da.

37. artikulua. Horma-hilobien gaineko emakidak.

Gorpuak hilobiratzeko horma-hilobien erabilera hamar (10) urterakoa izango da. Epe hori beste bost (5) urtez luzatu ahal izango da, eskaera egiten baldin bada.

Emakida bukatzen denean, esleipendunak gorpuzkiak gorpuzkietarako horma-hilobian gordetzeko lurperatze-eskubidea izateko aukera izango du. Hori ere esleipen bidez emango da, bost (5) urterako, beste bost (5) urtez luzatu ahal izango dena, eta gehienez ere 20 urte arte, aldez aurretik eskatuta eta ordaindu beharreko tasa ordainduta.

Epe hori bukatu ondoren gorpuzkiak hezurtegi orokorrera eramango dira. Emakida-epeak, luzapenak barne, hilerrian libre dagoen lekua kontuan hartuta emango dira.

38. artikulua. Kolunbarioen gaineko emakida.

Kolunbarioak errautsen kutxak jasotzeko lekuak dira eta gorpuak erre ondoren edo gorpuzkiak errauts bihurtu ondoren sortzen diren errautsak zaintzeko eta gordetzeko erabiltzen dira. Kolunbarioen erabilera hamar (10) urterako izango da. Epe hori beste bost (5) urtez luzatu ahal izango da, eskaera egiten baldin bada eta ordaindu beharreko tasa ordaintzen bada. Emakida bukatzen denean hezurtegi orokorrera eramango dira eta haiekin eskatzen dena egingo da. Emakida-epeak, luzapenak barne, hilerrian libre dagoen lekua kontuan hartuta emango dira.

III KAPITULUA. LURPERATZE-ESKUBIDEAK ALDATZEA ETA ESQUALDATZEA

39. artikulua.

Udal hilerrietan dauden lurperatze-unitate guztiak salerosi ezinezko ondasuntzat hartzen dira. Beraz, ezingo dira inolako salerosketaren gai izan, ordenantza honetan xedaturiko eskualdaketez kanpo.

40. artikulua. Heriotzaren ondoriozko eskualdaketa.

Lurperatze-eskubidea titularra hiltzen denean eskualda daiteke, testamentu xedapenekin bat etorritz, edo bestela, testamenturik gabeko oinordetzaren arabera, zuzenbide zibilaren arauen arabera.

Titularrak senar-emazteak edo behar bezala inskribatutako izateko bikote badira, hilobi-emakidaren heriotzaren ondoriozko eskualdaketa, aurreko idatz zatian jasotako terminoetan, bi senar-emazteen edo bikote-kideen heriotzaren ondoren gertatuko da bakarrik, ulertzen delarik titulartasuna alargunaren esku gelditzen dela eskusiboki, salbu eta titularrek idatziz besterik jasota adierazi ez badute, eta salbu eta testamentuan jasotako xedapenek diotena, halakorik baldin badago. Arau hori bera aplikatzen da hilobi-unitate berean dauden titularkidetasun erregimeneko gainerako familia unitateentzat.

Oinordeko bat baino gehiago baldin badago, titulartasuna oinordeko guztiei esleituko zaie, bakoitzari dagokion kuotan, eta behartuta egongo dira Udalean euren ordezkari izango dena adostasunez izendatzera; adostasunik lortuko ez balitz, ordenantza honen 30. artikuluan aurreikusitakoarekin bat ezarriko litzateke haien ordezkaria nor den.

Testamentuaren bidez edozein hilobi motaren usufuktua ondorengoei uzten zaienean, lurperatze-eskubidearen titulartasuna usufuktu hartzaileari emango zaio.

41. artikulua. Bizien arteko eskualdaketa.

Lurperatze-eskubidea bizien artean eskualdatzea onartuko da bakarrik doako lagapena egiten bada. Lagapenean lagatzailearen borondate-deklarazioa eta titular berriaren onarpena agertu beharko du. Eta honako kasu hauetakoren batean egin daiteke:

- a) Titularraren senideen alde, laugarren maila arte zuzenekoei eta zeharrekoiei dagokienez, biak ere odolkidetasunez; eta, afinitatez, bigarren maila arte.
- b) Ezkontidearen, izatezko bikotekidearen edo titularrarekin 5 urteko elkarbizitza egiaztatzen duten pertsonen alde (5 urteko elkarbizitza eskualdaketa aurreko 5 urteetakoa izan behar du).
- c) Ospitale eta izaera juridikoa duten ongintza edo erlijio erakundearen alde.

Dohainik laga ahal izateko, Udalak baimena eman beharko du, eta baimenean datu hauek adieraziko dira: Eskubidearen iraunaldia amaitzeko zenbat denbora falta den eta ordenantzaren arabera tituluetan jaso beharreko gainerako baldintzak eta datuak.

IV. KAPITULUA. LURPERATZE-ESKUBIDEA IRAUNGITZEA, AZKENTZEA ETA ITZULTZEA

42. artikulua.

Emandako lurperatze-eskubidea iraungitza jo ahal izango da indarrean dagoen legedi administratiboaren arabera iraungitze-espedita ireki ondoren, eta Udalari itzuliko zaio, baldin eta:

- a) Titularrak uko egiten badu.
- b) Eraikuntza aurri egoeran edo utzita dagoela jotzen bada, eraikuntza partikularra izanez gero.
- c) Lurperatze-eskubidearen emakida epea bukatu eta epea luzatzen ez bada.
- d) Titularra hil eta 10 urte pasa ondoren oinordekoek eskubidea eskatu ez badute.
- e) Eskualdaketa legez kanpo edo ordenantza honetan xedatutakoa bete gabe egin bada.
- f) Ordenantza honen arabera xedatzen diren tasak ordaindu ez badira.
- g) Lurperatze-unitatearen emakida ondorioz gabe uzteko ebazpena ematen bada, interesak publikoak eragindako indargabetze, atzera berreskuratze, desjabetze edo bestelako prozedura dela bide. Kasu horietan titularrei beste lurperatze-unitate bat emango zaie, epea amaitu arte falta den aldirako, baldin eta hilerriaren batean unitateren bat libre badago. Bestela, aldebiko espedita bideratuko da, kalterik ordaindu behar den edo ez argitzeko.

43. artikulua. Titularrak uko egitea (itzultzea).

Lurperatze-eskubideari uko eginez gero, lurperatze-eskubidearen titularrak Udalari jakinarazi behar dio eskubide horri uko egin nahi diola, eta erakundearen esku utziko du lurperatze-unitatea.

Lurperatze-eskubideari uko egin ahal izateko, baldintza hauek bete beharko dira:

- Lurperatze-unitatean inolako gorpuzkirik ez egotea.
- Titulartasunaren gaineko gatazkarik ez izatea lurperatze-unitateari dagokionez.

Uko egiteko eskaera eginda ere, lurperatze-eskubidearen titularrak bere gain hartu beharko ditu titulartasun horrek eragindako gastuak harik eta Udalak ukoa onartzeko ebazpena eman arte.

Eskatutako uko egiteari buruzko ebazpena eman ahal izateko, udalak udal hilerriaren egoera, erabilgarri dauden lurperatze-unitateak eta bidezko jotzen dituen bestelako inguruabarrak hartuko ditu kontuan. Ebazpen arrazoitua izan beharko du eta uko egitea onartzen ala baztertzen den ebaztiko. Onartzen baldin bada, ebazpenean bertan interesatuak jaso beharreko kopurua finkatuko da, hala badagokio, dagokion ordenantza fiskalean ezarritakoarekin bat etorritik.

Uko egitea eskatzen denetik hiru hilabete pasa eta oraindik berriazko ebazpenik eman ez bada, interesatuak bere eskaera ezeztatu dela ulertu beharko du.

44. artikulua. Entzunaldiaren izapidea.

Eskubidea 42. artikulua b), e) f) eta g) ataletan jasota datozen arrazoiak direla-eta lehenago iraungitzezko administrazio-espeditentia titularrari jakinaraziko zaio, zuzenbidearen arabera komeni zaiona alegatu ahal izateko.

45. artikulua. Gorpuzkiak hezurtegi orokorrera eramatea.

Lurperatze-eskubidea iraungita lurperatze-unitatean gelditzen diren gorpuzkiak, interesatuak jakitun jarri ostean, hezurtegi orokorrera eramango dira, edo, bestela, erraustu egingo dira, hildakoaren senideek edo baimendun pertsonak beste hilobiren batera eramateko eskatu ezean.

IV TITULUA. OBRAK, ERAIKINAK ETA KONPONKETAK

46. artikulua. Zaintzea.

Udalari dagozkio hilerriko instalazio orokorrak zaintzea eta haien mantentze-lanak egitea.

Udalari dagokio zuhaixkak moztea, bai zuhaixka banatzaileak bai eta hilobiratze unitateen aurrekoak ere, hilerriko estetika berdintzeko helburuz.

Lurperatze-eskubideen titularren eskariz hilobi-unitateen barruan egiten diren lanei dagokien tasa aplikatuko zaie.

Udalari dagokio, halaber, panteoien urteko mantentze-lanak egitea, hots, belarrak garbitu, fumigatu, zimentutako loreak kendu.

Partikularrei dagokie lurperatze-unitateak garbitzea, apaintzea eta haien mantentze-lanak egitea.

Partikularren batek lurperatze-unitatea zaintzeko betebeharra beteko ez balu, eta hondatzen ari dela ikusiko balitz, Udalak eskubide horren titularrari eskatuko lioke beharrezko garbiketa-lanak edo obrak egin ditzala, garbitasun, apaindura eta segurtasun baldintzak bete daitezzen. Eta horretarako epe jakin bat emango. Partikularrak agindua beteko ez balu, Udalak subsidiarioki eta obligaziodunen kontura jardungo luke.

47. artikulua. Obrak.

Hilerrietan edozein obra egiteko alde zuzetik udalari baimena eskatu beharko zaio.

Lauzak eta hilarriak egiteko eta konpontzeko material nobleak erabili beharko dira.

V. TITULUA. GATAZKAK KONPONTZEA

48. artikulua.

Udalari dagokio lurperatze-eskubideari, titulartasunari, ordezkaritzari eta erabilerari buruz partikularren artean gertatzen diren gatazkei edo eztabaidei irtenbidea ematea, administrazio-ebazpen bidez. Ebazpen hori interesdunei jakinaraziko zaie, eta Administrazioarekiko Auzitarako jurisdikzioak berrikusi ahal izango du.

49. artikulua.

1. Gatazka gorpua lurperatzeko lekuari buruzkoa baldin bada eta, premia kontuengatik, Udalak behin betiko erabakia hartzerik ezin baldin badauka, behin-behineko horma-hilobi batean hilobiratuko da. Azkenik gatazka hori udal ebazpen irmo baten bidez ebazten denean, gorpua behin betiko hilobiratuta geratuko den lekura eramango da.

Behin betiko hilobiratzea beste hilerri batean egin nahi badute, aurrez gorpua baltsamatu behar da, eta osasun-agintariei baimena eskatu.

2. Aldiz, gatazka gorpuzkiak hilobitik ateratzeko edo gorpuzkiak murrizteko garaian sortzen bada, ez da behin-behineko neurririk hartuko, eta gauzak bere horretan utziko dira, gatazka behin betiko konpondu arte.

IV. TITULUA. ARAU HAUSTEAK

50. artikulua.

Araudi honetan jasotako arauak hausten baldin badira Alkatezak zigortuko ditu, indarrean dagoen legediaren arabera. Dena den, horrek ez ditu ezertan galaraziko arlo jurisdikzionalaren aurrean sor zitezkeen erantzukizunak.

VII. TITULUA. ZERGAK, TASAK ETA PREZIOAK

51. artikulua.

Ordenantza fiskaletan jasoko dira ematen diren zerbitzuengatik kobratu beharreko tasak, eta lurperatze-eskubidea eman, eskualdatu edo aldatzeagatik kobratu beharrekoak.

XEDAPEN IRAGANKOR BAKARRA

Udalak ordenantza hau onartu ondoren lurperatze-unitateen zerrenda argitaratuko du, eta zerrenda horretan datu hauek adieraziko dira: Lurperatze-unitateetan agertzen diren titularkideak, unitateen ordezkariak – aldez aurretik izendatu badituzte- eta lurperatze-unitateak aurri egoeran edo utzita dauden.

Zerrenda hori jendaurrean jarriko da eta interesdunei entzunaldiaren izapidea eskainiko zaie, bi hilabetez, alegazioak aurkez ditzaten. Epe horretan bertan, ordezkariak ez duten lurperatze-unitateen titularrek ordezkaria izendatu behar dute eta hark onartu. Ordezkariak izendatzen ez badute, edo izendatzen duten pertsonak izendapena onartzen ez badu, Udalak izendatuko du, Ordenantzaren 30. artikuluan aurreikusita-koarekin bat etorritik.

Alegazioak aztertu ondoren behin betiko lurperatze-unitate eta titularren zerrenda onartuko da, eta horrek amaiera emango dio administrazio-bideari. Zerrenda hori Udaleko iragarki-taulan eta Gipuzkoako Aldizkari OFizialean argitaratuko da, eta horrez gain, alegazioak aurkeztu dituztenei zuzenean jakinaraziko zaie.

XEDAPEN GEHIAGARRIAK

Lehen.- Panteoietako apalen emakidak esleitzea.

Panteoietako apaletako emakiden esleipenen kasuan, hilobiratze epea bukatu ondoren apalak emakidaren oinordekorik ez dagoelako abandonaturik gelditzen badira, apal horiek panteoi horretako apal emakiden titularrei esleituko zaizkie zuzenean. Panteoi berean emakidadun bat baino gehiago baldin badago eta denak baldin badaude interesatuta, esleipena zozketa bidez egingo da. Kasu horietan esleipen berriaren iraupena esleipendunari lehen apalaren esleipenean geratzen zaion denboraren adinekoa izango da.

Esleipen hauetarako interesaturik ez badago, apalak erabili gabe geratuko dira, eta ezingo da hirugarren batzuei esleipenik egin, denborarekin panteoiaren titulartasuna bateratzeko helburuz.

Bigarrena.- Ordenantza honen 37. artikuluan araututako epeetarako baino epe luzeetarako esleitutako horma hilobiak esleipen tituluaren bertan ezarritakoaren arabera arautuko dira eta, nolana ere, 36. artikuluan panteoiei buruz ezarritako gehienezko epeak beteko dira.

XEDAPEN INDARGABETZAILEA.

Araudi hau indarrean jartzen denetik aurrera indargabeturik geratuko dira honekin bateragarriak ez diren edo kontrakorik dioten Hernaniko Udalaren beste xedapen guztiak.

AZKEN XEDAPENA

Araudi hau behin betiko onartutako testu osoa Gipuzkoako Aldizkari Ofizialean argitaratu eta hurrengo egunean sartuko da indarrean.